

涇野先生文集

涇野先生文集卷之十四

序十四

送武庫陸元望陞湖廣叅序

竊嘗謂今日叅議與叅政雖皆各省分守之官若當要劇之地則非才望素顯者不畀然分守數多無勅勅惟督糧叅政有之若分守叅政亦勅必其地關乎國是之大者也陸武庫元望杰分守湖廣襄鄖諸府提調太嶽太和宮觀住劄均州是固

天子遴其才望而勅之者也今夫襄鄖南矚湘湖

此篇曲盡太和

源委即以鐫之
萬可作
鄭西題
名記矣
宜錄

北控關洛左扼徐吳右達巴蜀即古樊麋穀羅鄧沮
陰鄧之地而其中牛頭鷄鳴房阜筑磐八疊九室襄
峴鹿門皆鱗峙焉地廣而田肥谿深而峽阻凡天下
之逋軍逸匠逃役黜生惰僧偽道藝人力士皆聚焉
于是二府有九州之民亂山雜五方之俗故天順之
末劉千斤石和尚作亂蹂踐南漳上津竹山穀城而
潛諸蟒蟒谷馬腦關格堯坡梯兒厓雖利兵亦莫如
之何當是時賴王端毅公以右都御史撫是地克平
禍亂于今為烈此襄陽分守之所由重也今夫太和

自天柱以下峯巒巖礪形蓋東南我

文廟南靖北征兵至之處若或神助故於永樂十年
勅建太嶽太和玄天玉虛諸宮於茲山其後五七年
又建遇真淨樂二宮以友玄都白鶴諸觀于是設官
以提點置均州守禦以給洒掃出祠祭郎中一員以
典葺宮宇而供役之事則責之少叅厥後增宮益觀
十倍厥初四方來祠蟻附雲從金穀之積可佐國需
乃以內官易祠部後并附分守少叅以提調宮觀故
成化之中是官滋顯而凡修廟貌嚴祀事督士伍理

道衆皆屬焉。當是時有韓司徒公以右給事守是官。肅恭神人于今為烈。此提督太嶽之所由美也。然則元望今茲之行有禮教之責焉。有兵材之任焉。夫禮非徒潔籩豆豐粢盛。要在序其道德。課其職業。潔其身心。隄其交遊。無使或敗教以污明神。則彼雖誦法墨老。亦可以少變化矣。夫兵非徒比什伍時簡教。要在和其居處。時其衣裱。振其顛憊。示之信義。無或慙怨。以携衆志。則彼雖不閑韜略。亦可以濟緩急矣。况元望平湖世儒浙西之英也。自舉進士。歷官武選。車

駕武庫諸司而僚人皆稱其操履幹濟見重于時則
于兵材習矣一襄鄖之分守不足以難元望也雖然
兵於變地則難戢禮於變神則難修斟酌其時損益
其道吾固知元望敬慎於斯行也

送提學四川我齋蔡君序

昔予在史館仙居應原忠數言我齋之學可敬也及
謫判解州德清沈南厓數言我齋之行可愛也故予
與我齋雖未面覩想像其形容推測其志意固已神
交而玄識矣丁亥之冬予南轉考功聞我齋適同僚

古人未
交而意
合既交
而情密
此其衷
非淺也
呂蔡二
君子得
之彼利
交勢交
與事交
者讀此
報報然

案乃欣然就道求償素懷比馬過東葛而我齋已遣
吏迓予黃巖山中及解舟江口方與邸舍之念而我
齋已遍國中為予問屋得之柳樹灣西實予心所欲
也既晤之後聞言心醉覲德情怡政聞其疑事決其
可飄然兩忘翕乎一趨蓋又浮所聞矣今夫禮子產
之所諳也故能達六王四代之典今夫樂季札之所
稔也故能言雅頌十三國風之義夫札江表之吳公
子也僑河南之鄭公孫也地之相去若此其遠學之
相去若此其殊乃于會遇之頃兩相契合略無所疑

至解縞帶紵衣以交贈。非前有所聞而後有所見其
能然乎。他日我齋方約期定程以講學。而四川提學
之報至矣。然則好會難成。而美人不易遇。豈非予之
不幸哉。雖然。方今士風多驚于文辭而行。或不之加
率習于巧媚而信。或不之篤。蓋不獨一四川然也。我
齋樸古天授清白素定于以式化蜀士。其在斯乎。今
夫鍾氏染羽以朱湛丹秫。三入為纁。五入為緋。七入
為緇。夫我齋染士於道。猶夫鍾氏之染羽也。必務七
入而後可乎。士而七入所受必深。所得必真。皆本色

之賢足色之材矣。取以理天下國家無難也。于是廳
司諸大夫皆以為然。請登其言于軸。以為我齋勗我
齋者。浙山陰蔡希淵宗允也。起家正德丁丑進士。久
隱于學宮而後顯。

送柴四川按察序

工部副郎漢南柴君伯徵既有四川提刑僉事之命
其僚何起莘大夫謂予曰。於伯徵何以告之。曰。伯徵
予西土之彥也。斯行也。其使蜀民善事父母乎。篤於
兄弟乎。親於九族乎。厚於外親乎。信於朋友乎。賑於

古者刑
期無刑
又刑
惟緩提
刑者立
法以濟
時之窮
也此篇
端本總
化不區
區夏楚
信乎明
刑弼教
田然非

貧窮乎、絕於妖詭乎、止於盜竊乎、曰吾子誤矣、伯徵
今陞於提刑、此尤者多提學之事、非提刑也、曰此正
為提刑者言爾、吾子不見漢嚴遵乎、隱卜於成都、為
子者來卜孝、不卜逆、為弟者來卜恭、不卜慢、有訟者
來卜和不卜戾、有財者來卜讓、不卜爭、於是蜀中一
時風動、民俗改觀、夫遵逸士也、且能以孝弟和讓化
蜀民、而伯徵威則執法、尊則方面、雖百司庶府皆在
所詰察而按治、而況於民乎、然則何以能使蜀民如
此也、曰古之折刑以降典、後世則惟刑之折而已矣、

二物也

古之制刑以祇德。後世則惟刑之制而已矣。是故竭情於例分之字。於法非不良也。然而於德或未教盡。心於折衷之剩。於律非不精也。然而於典或有忘。今夫欲水之清者。則將澄其流乎。亦以潔其源乎。故君子不以發奸摘伏為能。而以明義惇信為貴。不以峻法訖威為功。而以更化善治為賢。且不見古之肺石乎。三日而情無不得。又不見嘉石乎。旬月而恥無不格。是故刑明于不孝。而民皆孝。事父母矣。刑明於不

紀矣。刑明于定志。而民之背亂者息矣。况吾伯徵昔
推大名廉公明允。當是時。四府之訟有難決者。皆願
歸伯徵矣。及其徵入戶部也。又能持平迪正。名重地
曹斯往也。苟益廣大而貞固之。則雖與昔之治蜀如
張詠趙抃者並可也。

送齊陝西按察序

南刑部正郎蓉川子齊瑞卿桐人也。既有陝西僉憲
之命。其僚來曰。蓉川子以進士高第。選入翰林。為庶
吉士。授給事。且晉都矣。銓司以其文學風力。推陞提

文機委蛇意興
豪若鮑參軍布陣一闕一
闕所到兵碎其妙通於
反墨矣

學僉事而不果未幾忤當路謫官去十餘年乃今始
得兵備僉憲於寧夏夫蓉川子之同年位京堂者已
十數人參藩司之政晉三品者已十數人而蓉川子
今始云云寧不謂之遲乎曰於古有五遲而陞官不
與焉修身不篤頽失頻復年且老而無成曰行遲心
或有所見於理也口不能為之形容曰言遲見闕不
能補見遺不能拾見姦讒不能彈懾懦觀望曰諫遲
臨民不慈設施措置不以道下弗被其澤也曰政遲
析獄繁多其辭不能明免曰刑遲此五者參

一於是乎昔漢之伏生、轅固，年已老矣，而後能傳其經。當其時雖有少年蚤貴而不可目者，今不與之數也。宋之韓氏、范氏、司馬氏、文氏、富氏，年率七八十且百歲矣，而後能明其業。當其時雖有少年蚤通而譏擊者，今不與之論也。而况蓉川子年且未艾，而道已如此，則正所謂速爾。且夫寧夏、周、漢盛時，皆為郡縣。自晉室不綱，赫連氏遂建都焉。魏唐以來，拓跋氏世據其地。而德明元昊之際，至宋極矣。國朝混一，羗夷竄伏，賀蘭、莎羅以東，省崑石嘴以南，巍然一重鎮焉。蓉

卷一四
七
川子斯行有綱紀之司有兵穀之寄或築降城於河
北或運芻粟于靈武目望廊延又與宋韓氏范氏之
經畧者並可也邇歲以來安化變于前哈刺橫于後
雖其彼之不淑然而在我者其亦有以召之乎然則
蓉川子斯行雖以省 朝廷西顧之憂可也又豈曰
遲乎於是陳忠甫曰信乎常人以積一級進一階為
升今如子之言是以立一德建一業為升矣謨與蓉
川子同家處而比屋居知蓉川子必以吾子之言為
是而用之也

送傅君雲南僉憲序

癸未

華容傅君原質尚文以甲戌進士補大理評事未幾以諫謫官又未幾以憂去今天子臨御之初登用忠直故原質還廷評未久而有雲南僉憲之命于是陳君廷憲諸君子問言于予以贈之夫僉憲風紀之官而雲南要荒之地是故不可苟然處也夫原質之在廷評也法例之紛錯情理之曖昧疑決之參互亦已習矣又何有于此行哉雖然天下自正德以來民之病于勞瘵者甚矣有良醫焉必將摩其腹而時食

之察其體而時衣之審其力而時動之猶懼夫過饑損神過寒損氣過動損身也若又使姦猾以蠱其心侵削以薄其四肢黠訟以撓其思慮冤抑以鬱其心寬縱以長其淫爲折拙以解其樂則夫勞瘝之民不病且死者幾希夫法行有樞而恩施有經樞不正則法頗而四門皆邪紐不實則恩側而萬目皆紊夫胥吏者庶官之所以淆而窮民之所以斃者也何則肘腋之地易爲癰疽限之處易生疽蓋以當其會也原質不記已卯之諫乎其心非不忠且誠其言非不亮

且直其同志之人非不良且衆也使無佞幸之徒在
肘腋夤緣之地而樞紐能一轉焉則上無蒙塵之
禍而下無照磨之謫矣然則今日之往也其有要于
先理胥史之在左右者乎况夫雲南之人黠黷磨步
禿老和泥舞羅撒摩蒲濃哀牢哦昌魁羅類甚不一
也而其俗囂訟好鬪或椎髻編髮金齒繡面簪雉次
工男女混淆情甚不齊也苟不惟左右胥史是先幾
何能使法行恩流而宣聖化于遐方哉于是諸君
子咸曰斯言也雖理天下國家亦用不可將非預告

傳子以他日大用者之意耶

送趙温州序

縱橫出入神理
逍遙亦無費詞
諛旨趙
温州讀
此篇當
無不色
嘆飄飄
乎往也

南戶部正郎守樸趙君文卿既有温州之命其僚秦
象之諸君謂予曰異哉文卿之為仕也當其始也由
南戶部主事進郎中又進南吏部稽勲郎中又進北
兵部武庫郎中又進武選及職方郎中自下而上由
遠而近若是乎不謂之陞耶當其今也推補光祿少
卿矣而不獲乃推補尚寶少卿亦不獲推補大叅矣
而不獲乃推補憲副亦不獲至是始得温州焉去京

堂而就監司去監司而就有司若是乎亦謂之陸耶
曰子亦嘗聞陸降有出於位之外者乎大行不加窮
居不損况知温州也而以為非陸乎亦嘗聞陸降有
出於時之外者乎上下無常進退無恒况於推光祿
也而以為非降乎昔有齊人懷千金者矣之楚而買
荆山之玉裹以錦綺載以舳艫中流而遇暴客并千
金亦失焉使不之楚其千金固在也鄭人獲良馬數
十匹不自用散諸宗戚比隣而自留其一駘鄉人皆
以為愚也他日廐焚駘斃宗人歸一良馬戚人歸一

良馬比人各歸一良馬。不數年而前馬俱至無缺乘。使其初也良馬皆在閑廐之下。今為灰燼久矣。雖欲求一驂不可得也。是故知退者知進者也。知降者知陞者也。况吾文卿畿輔名學燕趙碩士兵穀具練文武咸閑自督楊州商課已邁介守之聲。後處職方叅戎之劇。尤多經畧之績。士林固以材卿名。大夫望之矣。然則溫州之往。豈能久淹驥足耶。當路者固暫試之以為他日大用之途耳。且即溫州亦不可以易而視之也。過於慈者失其義。過於嚴者失其仁。過於恭

者。失其智。過於察者。失其禮。由其道而無愆。得乎民而無損。文卿雖自此以陟臺撫而正藩臬。皆其地也。雖自此以邁循良而登聖賢。皆其所也。區區京監何足云。文卿名錦。涿之良鄉人。起家丁丑進士。

送林太平序

地官尚書郎西泉林君。既有太平之命。過予柳樹灣精舍。以談政。予謂之曰。西泉子。斯行當使闔郡之民。皆及時以煖衣。及時以飽食乎。西泉子曰。則何以能然。曰。昔者齊桓公出郊見老而貧者。猶自苦也。問無

爲就論事灑數言而理曲若庖之解也不太平不止太平

子以代勞乎曰有子五人皆未妻出傭于人矣桓公召還其子妻之宮女以爲仁也告諸管仲管仲曰君亦不仁夫若令于國中男子二十而娶女子十七而嫁越是者罰自無怨曠矣子誠如管仲令也則太平民豈有饑寒者哉曰子亦未識時務乎今夫窮巖寒谷之民屋無僦石之儲而通都大衢至有厭梁肉而累綺穀者矣則將奪此以與彼乎曰昔吾之家居也東隣之人有四子焉其二子則先妻出也其二子則後妻出也後子衣錦而食肉先子絮蘆而粗糲不克

賜此豈非皆已之子哉蔽于妻之先後而不知爾西
隣之人有五子焉一子櫟一子敏一子矐一子僂一
子跛乃使櫟者賈敏者農矐者卜僂者績跛者紡五
子者皆不患于衣食焉子誠如西隣之人則于太平
也將思之無不至處之無不當即民之凍餒者鮮矣
雖然子亦嘗聞商斗周尺乎蓋准虞律而定其大小
長短者也他日入于秦市雖增其寸起損其分再鑿
其槩澤削其底于是或以丈為短或以尺為長或以
釜為少或以升為多凡抱布負米者環咸陽之街貿

賈焉莫知所之。秦君懼焉。使人求收虞律者。則已匿而去矣。然則如之何而可。曰。昔者西門豹之為鄴也。治如峭壑。人不敢跼足以越。若橫之以木。引之以索。雖盜竊姦宄。皆是縮縮而夜度矣。然後怒其侵軼。我也不亦晚乎。是故君子寧為銅鏡。不為玉杯。玉杯雖貴。上於玩物。銅鏡雖賤。可以照人。是故君子之政。雖有其制不仁而不可為也。雖有其仁不定而不可為也。雖有其定不嚴而不可為也。雖有其嚴不明而不可為也。明以立威。威以守定。定以行仁。仁以立制。雖

吾子他日相天下亦有餘也。況此太平乎。越明日其僚湯伯元胡貞甫諸大夫問贈言。遂書以送之。西泉子者名鉞。字宏用。福之晉江人。予同年之厚友也。

送張廣平序

正德庚午春。岷山張子潛以膳部郎中出守廣平。涇野子曰。夫張子而知太守之重乎。太守正倅。令皆正矣。太守僻州縣。斯僻矣。易曰。鶴鳴在陰。其子和之。故君子慎其幾也。古之獲上者。法舉而無間。德布而不私。廉而率履。忠信而斷。是以上孚。而其下可治也。

政如
者十
此論國
人傲其
也民安
盜息
為刺
之說
縣條
縣條
者所
立法
也

古之稱善政者慮民今之稱善政者賊民古之刑罰
懲民之惡今之刑罰剥民之財古之征斂計安其國
今之征斂弗由其經古之折獄求民之情今之折獄
任已之情張子曰然盜今且棘矣曰由今之政茲其
所以棘盜也昔者漢宣帝患渤海之盜選龔遂而治
之遂請曰將勝之乎抑安之邪宣帝曰固安之耳遂
遂之渤海入境出令而盜屏三年而民殷五年而渤
海大治夫盜豈民之所欲哉不得已耳故饑寒切身
雖慈父不能保其子愚而不教師雖賢不能有其弟

子也。為民父母，行政而惟盜之勝，吾未聞能勝者也。故君子之為政，老者欲其佚之也，幼者欲其生之也，壯者欲其有服也，鰥寡孤獨者欲其有養也。審此四者，則知所以馭民矣。苟利於民，雖害不避；苟害於民，雖利不取。審此二者，則知所以事上矣。民安矣，雖倨而不與校也。民不安矣，雖諂而不與喜也。審此二者，則知所以馭官矣。夫奚盜。

送葛平陽序

磁州葛君延之既有平陽之命，其僚楊叔用胡貞

甫鄭雜東來曰涇野子嘗吏平陽屬郡矣知平陽習
則何以言平陽曰平陽堯都也今其地猶有陶唐氏
之遺風焉修而振之則在延之耳是故風后掃除世
垢猶廟于解州蒼頡治官察民猶文於臨汾后稷播
時百穀猶地於稷山皋陶明茲五刑猶冢於洪洞於
箕山吾得許由焉輕世棄軼猶溪也於安邑吾得關
龍逢焉死諫忠君猶墓也於夏縣吾得巫氏父子焉
保乂正家猶峪也傳說之學猶歸乎平陸之巖伯夷
叔齊之仁猶茁乎西山之薇虞公芮伯之讓猶閒乎

此等分
實文字
今人口吻
中絕無
者而於
法戒處
尤炯炯
石畫

中條之田茲十有三人者多平陽之產張三皇五帝
三王之治者也延之今為平陽牧則可求對乎十有
三人矣夫削堵看楨端影看形故濁不去則世不清
文字不興則治不夫養之不周則盜竊多法之不允
則譸張衆恬退寡則貪風熾正直隱則讒諂興故邦
事治而後能慈典學明而後能忠節義興而後能仁
謙讓舉而民斯不爭延之顧獨不可志於此乎曰延
之方正剴直不矯不阿自其治樂清有效徵為戶部
也臨政秉法確不可奪嘗奉勅查催閩廣二省錢

穀矣嚴明而不漏寬平而不苛蓋趙魏之豪而南曹
之明也且磁與平陽地相近人與平陽俗相習延之
苟志於此雖不及古十有三人則夫漢之尹翁歸唐
之裴度宋之趙鼎司馬光四人者顧不可企而及之
乎曰嘗聞之矣為邦有三序焉有克己之仁斯有用
賢之智有用賢之智斯有安民之效夫十三人及四
人者古今雖不相及然其道率不出此也蓋其為法
甚簡而其為功亦不難今日之事豈敢使延之驚於
博而不事乎約哉延之名覃別號奎陽起家正德甲

戊進士

送東平陽序

華州東子希宋為推于平陽吾黨大夫士之在京者
饑東子而以言畀我呂子曰夫推東子筮仕之初也
神明御之不能
蓋其宿精法廉已以杜私明理以定志是謂四崇當兩辭之
此文言
之詳矣
而以端
庶君子
先之旨
哉今之
為地方
情互訪以驗跡竭心以伸冤秉法以懾亮當是時也
聞安陽張仲修之推廣平也吊訊以求差曲究以索

造福者
以平陽
若左券
云

四府之政咸願造焉於是乎頑民之弊革今有囚於
斯也律可上下矣吏竊怵囚曰爾當上律賂為爾減
之賂而果減若未賂也官曰下律吏指其隙曰失出
輒入上律者多矣昔者包孝肅之將斷脊杖也吏夜
得其賂曰明稱冤視我為爾減譬杖明包行脊杖囚
如吏策吏大言曰第受脊杖去包怒吏市威笞吏而
減囚脊杖雖包剖明亦吏罔矣善聽訟者不然也受
訟則櫛之乃雜攝諸訟者次第躬訊屏棄左右既結
而后下吏書之於是乎奸吏之弊熄推之上有監司

撫按也其下訟也或欲出法或欲入法法出則出勿從其入法入則入勿從其出昔宋南安囚不當死轉運使王逵欲論死司理叅軍周茂叔爭之強弗聽則置手板取告身以去曰殺人媚人吾不為也逵感悟而原因於是乎上人之弊寢韓子汝節曰如其然東子將無所不可也已

送馬固安序

信陽馬子錄以進士出令固安得行友人問叙焉涇野子曰夫令也者所以令民也令者善也故以善令

不欲其
令本乎
東方擊
析西人報
閑声之
也令應
吏声載
道矣

民民為善爾矣以不善令民民亦為不善爾矣詩云
視民不忒君子是則是效可不慎乎古之為政者以
其所能責人之所不能不以其所不能責人之能故
德行易而績成速也季康患盜問於孔子孔子曰苟
子之不欲雖賞之不竊或曰勢不同也今也雖欲不
欲不可得已從子之言是賊馬子耳曰是未有不欲
者也夫苟不欲其誰將柰之何哉室將覆矣則將圻
墁黜墜以為一日之美乎抑將正其戾腐屋稔而後
已也故君子法以制財而民不困時以興事而民不

樂惠以慈民而民不離。遜以導民而民不亂。中以折
獄而民不爭。時以簡民而民勇。六者具舉。非不欲者
不能也。夫馬子少耽詩賦。自比杜甫。河內何子嘗謂
之曰。此不若閑於官政之為愈也。故君子有五政而
終之以樂焉。一曰愛。二曰義。三曰序。四曰勤。五曰慎。
六曰樂。故不愛之樂。殘忍之聲也。不義之樂。淫靡之
聲也。不序之樂。乖亂之聲也。不勤之樂。惰慢之聲也。
不慎之樂。放遺之聲也。

送駱南海序

政根於
學然後
政非無
體學非
無用

同年餘姚駱用卿出令南海呂子告之曰端影看形
築堵看楨夫昔之治南海者有七君子焉駱子固宜
用之也駱子曰何謂也曰吳隱之絜陶侃敏孔戣用
人周敦頤沈寃龔茂良脩禮鍾離牧祛盜蘓緘威然
絜非知天者莫能守也敏非知幾者莫能持也用人
非貞已者莫能得也沈寃非知性者莫能急也脩禮
非知情者莫能制也祛盜非知欲者莫能處也威非
知德者莫能立也故君子博學以知天存誠以知幾
力行以知已篤初以知性審時以知情節用以知欲

立教以知德。

野先生文集卷之十四

涇野先生文集卷之十五

序十五

送呂章丘序

晉州呂子秉彝以進士出尹章丘御史張子璠曰性之者吾友也外朴而中敏易而不隱慎而周博而雅才高而文健者也涇野子曰性之如是也可以鎮浮照奸使鰥寡無蓋行不礙而體立作章丘之士裕如矣今之有司之治民也聽訟而已矣訟之弗獲恥賄而已矣賄之不得峻刑而已矣三者興民斯斃矣性

此輓近
善敗之
由棚管
者能言
之替人
恨不為
令志可
知也

通篇卓
然政鶴

之寧有是哉。雖百章丘可也。張子曰：世有溫良慈祥，事至不能舉，訟至不能折，今謂之不才者也。世有見事風生，敏事上官者矣。然弱民力，單民財，民畏其威，不敢言諸口。今謂之多材者也。茲二者何居焉？曰：皆非也。但今之所謂不才者，效雖緩，殃民實淺；今之所謂多才者，效雖速，殃民實深。君子苟懷永圖，則知所擇矣。

送劉任丘序

畿甸之縣如任丘，壯大而又詩禮文物之地也。任丘

意若有
所監微
而喻心
罕確種
種滴翠
流珠

之鄉大夫率求人太宰選於衆得吾友靜齋劉子克
艱以授之于是吾鄉縉紳皆欲贈之言而謂予與靜
齋少同師長同學強且艾恒同遊宜有以言之也五
月之望予餞靜齋西邨靜齋離席曰守臣聞諸君有
戒言屬子守臣之與子交也非一日矣若不廉守臣
能絕之不必教若不公守臣能絕之不必教守臣如
有不然他日何以見吾子也惟夫事至而明有不及
政行而法有不立此則守臣日夜惴惴而望子以示
之者呂柟曰政自正德以來民力屈思盜而不思良

民俗頗思爭而不思睦今幾二十年皆為之吏者貪私教之也今子已能廉且公是何有於任丘而憂夫不明不法邪雖然今有明鏡於此可以別毫釐照遐隱非不亮也使頓置而側安之則雖以視妍者祇見其耳目偏容貌陋亦可惡矣今有隋鑿於此足以止陵越杜侵犯非不法也使引索而駕木馬則雖以視懦者祇為開其蹊徑濟其交昵亦可狎矣是故君子惟患不廉不惠不法惟患不公不惠不明故夫子以不欲止盜而公儀子以斷織拔葵能治魯也曰

則廉公亦非易事乎。曰然。子不見終南山之樛子真
上耶。隱幽巖處暗室不接人三十年。以為既定寂仙
佛可坐而得也。一日有友携入長安城。過柳市以東
粉娥黛姬妖艷曲。觸目而塞耳。遂忘其三十年之
為功也。周京之士年已耆耄。家藏古度舊衡。自謂傳
自夏商。以準物不爽分寸。錙銖者也。他日入於秦市。
鞅誚其尺。冉譏其引。睢改其鍾。澤移其系。于是或以
千鈞為輕。或以尺布為長。而不自知也。曰廉公之難
亦此至乎。然則何以至之。曰吾東郊之圃有株桑。其

上鴈鳩生數子、朝飼之自上而下、夕飼之自下而上、雖有爭者亦不亂、其次以與之、未幾數月、其子皆喙剛而羽健、無或不能飛者矣。吾西鄰有老媪、生數女、長如西施、已嫁矣。次者寡髮、次者肉肩、次者面黧、如漆、次者耳短、吉士過而弗問也。媪乃謀諸姆氏、剪髮截髦、出鉛與盡眉、傾奩中脂粉以粧之、故大其環重十銖、三年之內、數女皆嫁焉。於戲、子誠如東園之鳩、明奚不行。子誠如西隣之媪、法奚不立乎。訂頑之言、如鄰媪、庭愚之言、如園鳩、是故仁則能絕不廉義則

能絕不公

送藍公平漢中序

此時諸
寇蜂起
屠戮無
算藍公
之出有
深源之
望焉矣
冊光矣

正德四年間蒼溪賊鄆本恕營山賊藍廷瑞及其黨
方四馬六兒廖麻子糾諸饑寒謀聚為鵠未及期年
衆盈十萬髡首漆足文身朱額繆越山谿狡捷猿猱
乃隳劒梓潼江油通江開達爰入漢中屠戮畧陽西
鄉沔利城亦不守殺守令燔屋廬劫婦女杜道路妖
氛一揚群盜四興於是劉六劉七畢四徐淮繼寇於
畿甸楊虎齊彥名王大川龔大保肆毒於直隸向錦

逆於西夏邵禮亂於蘓松韋賊橫於柳郴將宣妖於
歸德那代叛於安南獍賊反於廣右乖四叛於貴州
朝廷雖屢發師旅征討而賊皆驅所掠之饑民以委
之殺人盈野費財空帑不能救藥乃正德五年間廷
議謂關陝天下險要之首而鵠醜實諸賊之初也非
有丈人焉獲貞吉

天子遂起即墨藍公以陝西僉憲為都察院右僉都
御史巡撫陝西會總制卿洪公及荆蜀巡撫諸公戮
力同心肆伐鵠醜公自帥師以來矢竭忠貞簡恤將

士用其膽智以遏亂畧乃正德六年六月擒其渠魁
三十人於金寶寺解厥支蔓首千其衆

上令典刑諸魁梟首湖廣於是諸賊膽懾漢中乃又
天子以公洪勲遂進右副都御史仍撫陝西比公退
長安餘孽曹甫續叛江津漢人雲擾公再領師入漢
威德昭臨甫懼奔蜀黨與大解所降男女萬有二千
風穀震動如雷如霆四方諸賊亦皆解體將班師奏
凱於

朝漢中兵備憲副邊億諸君為宴於天漢樓以餞公

必聖天子
卷十一
王
請史冊敘其事行將勒石原山之上以紀我大明之
盛也。柙惟民雖頑冥其好生惡死好良惡奸罔有不
同。今此諸醜上梗。

聖化下。雪生靈。雖粉骨赤族。固不足以雪神人之憤。
然當是時也。劉瑾用事。人尚誅求。民之窮困既已極
矣。盜固其所也。今公勦此黠孽。活千萬人命。餘波所
及。四方戢定。聲震宇內。奏功明時。古之召虎方叔之
儔也夫。

朝廷四方之本。

天子萬人之命公指日還朝矣其益宣布腹心弼我

聖主激揚清濁用汰侵漁幹此

帝室立基不拔使四海永無風塵之虞則允公之責也於是漢人聞之莫不攀轅揮涕曰允若茲匪獨我漢人之福矣公遂築京觀于金寶剎而歸

送崔開州序

司訓崔濟之彰德安陽人其仲父之子太史銑耒友也故司訓歲貢來京師與遇焉客莊而謹言恭而儉

古有舜
紉縱橫
自如而
招架無
不應手
者此文
似之

中劉而直則曰斯太史之兄也比司訓有開州與遇
焉容安而裕言遜而禮其中粥粥若弗勝則又曰斯
太史之兄也太史曰銑不到伯兄遠哉昔吾父為部
郎太守叅政也里之踈人皆就之而伯兄之事吾父
猶吾父之為士時也曰嗚呼開州得司訓哉夫政也
者教之成也教也者行之成也夫士自始學即念利
者多矣得則喜不得則憂故心定者鮮矣心不定故
廉恥寡廉恥寡故禮義忘禮義忘故無教無教故不
得士不得士故無政無政故百姓不安故君子之道

說盡亂
經之弊

定心為上。若司訓者，顧不當開州哉。昔者與太史共
學於太學，蓋嘗治經矣。比其來也，事至而謬行出而
戾言發，而違則於經，猶弗治也。則何居其經也。未有
之于其心也。故曰：心定者，斯謂之經；治心不定，斯謂
之經不治。今之亂經者，又多矣。以權者，假以術者，賊
以功利者，叛以辭賦者，荒以章句者，支以記誦者，淺
以靜虛者，玄以俗者，卑以名者，襲故治經，求之於心
而放之於行者，鮮矣。故治經，求之於心，放之於行，斯
其為教，猶樹表也。其影無弗正矣。司訓之行，磊磊若

是若並是而滋著焉豈惟可當開州哉若夫經明矣
率不能惑心定矣率不能搖吾與子常見河内何子
爾矣斯其人且在開州謂司訓宜日稟諸則所以道
士子者可勿用斯浮言也

送李新安序

亦步亦趨不悞
不範師
之道可
效也此

李君希尹邦憲者盤屋傑士也太學上舍試于廷
得司訓新安以王禹卿來問言予曰夫師之於諸生
也固無不欲其為我訓以成業然予不知新安但以
今四方言之學師始任之日諸生尚有不至者矣既

篇備極
其德之
狀觀皮
相者徑
履矣而
風致陸
離可愛
可傳

凡為師

任之後諸生或寺居觀處不之學不已也或遊業遠
問不之學不已也或田疇桑陌不之學不已也或市
井鋪肆債務酒店花柳巷遊不之學當是時雖有勤
師良訓辰拘而午去日來而月散將何所施乎夫諸
生在李君且可問訓之之方諸生而不在李君又何
問焉夫李君斯行也能使諸生皆在學即為已多矣
曰憲何以能使之皆來乎曰子未知諸生之所以去
焉能致諸生之皆來敢問諸生奚去也曰子聞弘治
成化以前之師篤于親以來孝厚於兄弟以來友薄

者習此
可以教
矣

於財以來廉。敏於自責以來恥。言行同以來實。徧於
背誦以來業。發真啟性以來義。是故朝入而朝益。暮
入而暮益。日有所漸。月有所改。歲有所化。而不自知
其大異於庶民也。當是時。雖驅之使去。蓋有不欲者
矣。自弘治末年以來。媚師以勢教。鄙師以利教。懦師
以悍教。夫惟以勢為教也。士固有青衿居而奔競心
者矣。夫惟以利為教也。士固有詩書誦而金帛志者
矣。夫惟以悍為教也。士固有孱弱軀而跋扈行者矣。
是故其上則僻處以省辱。潛居以謝諄。不寺觀者。

不免也。其次則覓題以迎試，構辭以效才。不遠遊求，則不巧也。其下則學百倍之農，識百倍之賈，殖再倍之息，不田桑街市，居則不得也。如是而欲諸生之來，雖捉其裾而繫其足，彼固有如鳥之入樊，而獸之入牢，不亦難哉！然則李君能致其來乎？于是李君太息曰：「憲數年於學，亦自為去之之徒矣。乃復欲諸生之來，不無背邪？自今憲取七來，以自求如之何？」曰：「此正新天子端本復古之意也。」

送司空石湖何公致政序

論人臣
致政不
在名位
而在德
業庶幾
不負天

石湖先生山陰何公守工部尚書五年矣邇以災變
請罷位未獲也至是又以老疾乞骸骨上俞允賜
馳驛先是乞休者數不從即從之亦無善歸獨公
有此真異數也報至南都人咸嘆曰榮哉石湖公之
歸乎其屬諸大夫咸來問言予曰公茲之行固柰所
願言者夫治天下以得民心為本得民心以散財為
先散財以節用為急初予至南都太廟半頽損計
修可用數十萬金若行派辦當天下騷動矣公經營
有藝移借有方比落成費止萬餘金較正德中一寢

子見逸
賢之故
不然端
分毫記
名色者
一驛卒
無難也

不得這
數句則
凡所與
皆徒然
矣

之修不及十一國子監堂號殆數百穩每一北行其
敝陋不忍觀諸師生率就民舍以居若欲葺理非數
千金不可公治之未洽年卒不告勞財不告匱煥然
一新足為育賢之所工部軍器局火燬于火每一造
作率假厰錢甚不便也適有寺人空第公乃計價易
之不改櫬瓦周築崇墉遂成宏局百工皆居其中若
當重建所費豈可貲筭夫以國之大事在祀與戎而
大學尤賢士之所關也公治之必先成之不苟用財
不濫如此則其他可知矣人言公自為主事時護送

壽王檄減行舟二千、省財可萬計、為郎中時、力拒內
庫虛出收單、至忤奸宦誣下、詔獄竟莫能害、其他
卻永平之贐金、平廣西之巨亂、裁悼陵之冗費、省通
惠運河之腳價、為民之心、惜財之志、蓋積之有素、不
俟詳矣、夫大學論理財、雖以生之衆為之疾、以開財
之源、實以食之寡用之舒為節財之流、此平天下之
大政、然也、凡公所至、有不得于大學之道者乎、昔者
堯舜之時、民皆阜財解慍、時雍風動、固雖稷契養教
于其先、實亦工垂節用于其後也、在周不知大道、至

的論

謂垂有巧思擬諸魯般之徒。乃欲摘工垂之指。不亦誤哉。不然茅茨土階之日。漆器不用之世。垂雖有巧。將安措手。公雖比方虞垂。豈不可幾及乎。夫後世流裕率。謂仕者至于極品。終受寵賁而還。以為榮歸。假使其在官上。無補于國。下無益于民。徒媿姁取容。以臻穹爵。雖進有晝日三接之遇。退有路車駟馬之錫。由君子觀之。祇謂之辱耳。故公之歸人。皆榮其官尊寵高子。獨以政成功立為公之榮歸也。

送治齋萬公南歸序

嘉靖壬辰之秋

聖上以彗星再見令兩京文職大臣陳言時政得失於是南京右都御史治齋萬公䟽列八事一曰公推薦謂用人不必屢推惟在先知其人以察衆舉之異同二曰辨國是言疑信一差則邪正倒置三曰審蠲除言勿赦拖欠惟預免來年徵辦四曰通鹽法許商人就邊輸糧芻以中正鹽其帶中餘鹽則納折色五曰裕邊儲除招商中鹽外納粟則勿限地方和糴則勿抑時價足食則通漕關陝六曰廣矜宥宜放免

大禮大獄謫戍之人七曰正憲體言本院問完囚犯
巡按舉劾官司及操江巡江各有攸典無得別有牽
制八曰先實務願去聲容繁飾及屏好動喜事之徒
疏奏

聖上曰萬鎗木以所司屢推未用意在怨恨明說後
推未必勝前等語下吏部參看覆題 准罷位去柵
往唁公公曰是鎗之罪也疏惟論後推之在人乃頓
忘先推之在已言雖出於無心跡則涉於有意既設
詞之未詳宜在法所不免荷

聖主神明寬仁弛其誅戮止於解職得歸田里可謂
幸矣。柰歸而嘆曰古之大臣善則稱君過則稱己萬
公於罷位而能知過其有古大臣之風乎。且公之所
言者八而

聖主之所怒者一。以其一事怒公其餘七事則用公
矣。公未爲不遇也。

聖主求言於大臣者衆而去者獨公一人乃公之去
又以一言其餘數千言已自效矣。夫七者皆今日時
務之急也。又

聖怒之所未及公罪之所不入儻在廷之臣有見事
之善也俟 霽威之後或申其義以獻焉或推其詳
以論焉內以幹國外以壯邊何者非公之遺功哉夫
爲人臣者殞其身有益於國則爲之況去其官以有
益于國乎故謂公未爲不遇也昔范希文叅知政事
時亦嘗條列時宜十數事未能盡行遂出爲河東陝
西安撫使未幾仁宗有憶於其言也復詔入爲叅政
與韓富並命希文益銳意天下之事遂成慶曆之政
爲宋室光未必非前條列之故也公行矣

聖上或因廷臣之言有懷于其說不日起公當鈞軸之地且將觀公之行以顧前言也公自吏部太常京兆以至于今夙持綱紀守憲不回宜知其不已於此也且希文初嘗進百官圖及四論以指廷臣之遷進遲速及邪正公私之實亦如今所謂公推薦者矣坐是落職饒州益自進修不已常曰士居江湖之上當有廊廟之憂則公又豈肯以有江湖也已哉於是僚義峯潘公取其言歸諸公而南都群公卿皆賦詩

送王克孝還解州序

克孝
門高品
涇野公
每每誦
之

昔予之判解也克孝從予游且三年矣當是時予方
刻周程張朱之書以為求入論語孟子之門他人之
賢者守其一二則有矣若乃篤信躬行不言而學日
進無警而業日修則未有若吾克孝者也嘗私喜曰
吾得解州之美其在是乎他日予改官南都克孝不
忘往日之聚也東裝買舟泛黃河渡大江屢瀕于風
波之險以至金陵謁予於柳灣精舍當是時予足病
甚劇方欲徙就嘉禾東所也乃及休寧胡孺道同室居
數月日講夜誦無少休暇凡南都之顯官文人未肯

若然則
偏學之
諫義感
此論以
悉依儒
傍論不
但論克
孝也

一拜竒山麗水未嘗一觀則其中之所得者可知矣
春中克孝父母書來云思克孝克孝歸心遂動曰吾
不能侍吾師矣每欲留之言及二親輒涕泣懸下如
孺子嬰兒之態予曰世之云學者類多從事於高談
濶論而力行不顧至或使聰敏之士亦率文性命而
質汚濁言周程而行庸俗凡其智巧辭辯適足為饕
餮奔競之資視吾克孝何如哉然則克孝茲往如之
何其為功卜子夏曰日知其所無月無忘其所能其
往從事於斯乎夫克孝之在茲也吾亡以益克孝惟

是鷲峯東所之人與仰山堂上之人未嘗少變也將
亦非月亡忘其所能者乎惟是衰病腐朽之人猶昔
見過自訟寡過未能之人未嘗少惰也將亦非日知
其所無者乎是固克孝飲食起居之所親見者也克
孝歸如相信不忘斯二言亦為多行見丘孟學楊仁
浹鞏邦重張師孔及王子中所典書院諸賢亦以是
告之使相勗

底柱秋餞方山序

丙戌七月初內濱初公及劉虞川柱史偕柟餞谷

雨過
稍掛
明松
玩樹
色把

泉儲公還而方山侯公廷言亦將赴湖廣憲副之任。于是同餞之底柱。是日方山微疾遇雨半途而返。柵隨三公之底柱得覩河山之勝。禹蹟之大。皆曰惜乎方山不至是也。或形諸歌詩以憶。或念諸壺觴以懷。明日還至茅津。飲虞川書屋。方山子乃細問其狀。詳求其奇。悵然嘆曰。吾亦遊底柱矣。谷泉子曰。聞不若見之為真耳。呂子曰。禹臯陶伊尹萊朱。與湯文之智。雖有見聞之殊。孟軻氏固未嘗有優劣也。且夫為底柱者。豈必直河中之屹石哉。審若是則樵秦山之顛。

一
知有通也

此誠一
小術我
而能得
意於此

者皆可。小天下而漁滄海之濱者皆可。小百川矣。于是諸公皆以為然。乃以其詠詩并得之虞川書屋者書之卷。餞方山子行。

送洪雅訓術張漸達序

蜀洪雅人張洪漸達少習其父星曆之學以占人休咎無弗驗也。其兄起溟以進士守御史。漸達來省干京。遭太僕納馬判納四馬受陰陽訓術以還蜀。大夫請告漸達。呂子曰：易有之一陰一陽之謂道。古之三公變理亦止於此耳。自劉歆列陰陽於九流乃遂以

壯之處
信小道
之有可
觀也

泗里先生文集 卷十一
卜筮視之教斯下矣。故卜婚姻者論財不論德。卜宅
第者論地不論分。卜仕進者論祿不論職。卜兆域者
論子孫之安不論祖宗之危。卜有所征行者論利不
論義。卜訟者論爭不論讓。歆之罪也。昔者嚴遵嘗賣
卜于成都矣。為人子者。卜依于孝以言。為人臣者。卜
依于忠以言。為人弟者。卜依于弟以言。為人朋友。卜
依于信以言。當是時也。蜀風亦丕變焉。漸遠蜀人也。
聞遵之風習矣。其晉于是乎。無直以藝術名也。又曰
御史樊賢糾邪扶陽抑陰。後有變理之寄。而漸遠又

姿態橫
生勝理
盡勝如
湧花明
於春卷
日川會
於海

以是淑諸鄉人陰陽之道于子之兄弟徵明矣

送周醫序

權生之父疾甚療于周醫瘳權生問言以謝周醫
焉涇野子曰夫醫之治病猶吾黨之治五品也周
曰何謂也曰腎生肝水渴則木斃故養腎而肝茂厥
視明肝生心木蠹則燭微故養肝而心寧厥言又故
見其目秀知其水之盛也聽其言知其木之茂也
此之謂父子之道君也者主病者也臣也者佐君者
也君一臣二奇之制也君二臣四偶之制也君二臣

三奇之制也。君三臣六偶之制也。近者不可以偶遠者不可以奇。汗者不可以奇。下者不可以偶。設其奇偶定其崇卑。此之謂君臣之道。厥陰至脉弦。少陰至脉約。太陰至脉沉。少陰至脉大而浮。陽明至脉短而瀯。太陽至脉大而長。至而和則平。至而甚則病。至而不至則病未至而至則病。陰陽易則危。審其易而調之則安。此之謂夫婦之道。兩疾偕發先救其授。兩脉偕病先疏其承。此之謂長幼之道。方其冬也陽王於內。寒雖入之勢未能動。及春之日陽出而陰為主。然

後寒動而搏陽是故溫也。方其夏也，陰主於內，暑雖入之，勢未能動。及秋之日，陰出而陽為主，然後暑動而搏陰，是故瘡也。察於時而治之，此之謂寶主之道。故仁義別序，醫咸具焉。權生曰：用也。聞孝於醫，知不信其親矣；聞忠於醫，知不孤其君矣；聞別於醫，知所以正家矣；聞敬於醫，知所以居鄉矣；聞禮於醫，知所以處世矣。用其以是，諗諸周醫。

送周道通序

宜興周道通自其家偕其門生邵武人魯守約入南

答問之
教莫詳
此篇問
者近窮
到底終
者喫緊
為人云
之卷卷
於道也
學也此
足以微
矣乃明
白洞達
門戶岐
徑具載
石角

京過予柳樹灣精舍以談學然道通近有耳疾非大
語則不聞時令守約轉告或寫畫掌上以傳既見而
又對以問也每言至適意處輒喜動顏色不知其他
若有未安亦善婉轉開白實有學之士也初會曰衡
適見鄒東郭言學濂洛關閩自孔子學下來或曰自
濂洛關閩學上去如何曰昔明道兄弟十四便學孔
子後來尚不及顏閔之徒只學孔子後亦未知如何
爾孔子萬代之師也問交友居家處世不能皆得一
樣善人甚難處曰此須有憐憫之心方好憐憫便會

區處他如妻妾之愚兄弟之不肖不可謂他不是也此仁智合一之道舜欲並生張子西銘具言此理但千變萬化處非言所可盡也問為學只不間斷好曰何以能不間斷曰責志曰此亦是第二層功也其要只是能知爾能知得便會顏子之欲罷不能也則何以謂之知曰如體寒思得衣以煖腹饑思得食以飽是知也因問怎能得會知曰在默識自省耳曰此固是要法若隨事觀理因人辯義讀書窮理皆不可缺問屢空之空只是虛字若言貧恐小了顏子曰屢貧

亦非小事。知破此便尋得仲尼顏子樂處也。問今之講學多有不同者如何。曰不同。乃所以講學既同矣。又安用講。邪。故用人以治天下不可。皆求同。求同則讒諂面諛之人至矣。曰果然。治天下只看所輕重。問學湏要成箇片段方好。曰纔要成片段便是助長。問身甚弱。若有作盜賊的力量。改而為聖人。方易。曰作聖人不是用這等力量。見得善處皆行便是力量。溺于流俗物欲者乃弱也。于是道通欣然曰。衛武愛一處字。平生樂聞善言。樂就善人。往在邵武一病不起。

者七日少醒曰生死止若是爾夫人患不知重所急也苟此心遂也雖明日死亦無難予嘆曰勇哉道通而乃自云弱乎夫道通豈今日之人哉于其行也恐彼此談學之言傳告聽聞之不審也乃附書以贈之蓋不嫌于煩瀆爾

涇野先生文集卷之十五